

23/10/1997

Blair saran contohi Perkongsian Bijak

LONDON, Rabu - Perkongsian Bijak antara sektor swasta dan awam yang dipelopori Malaysia akan diperluaskan di negara Komanwel.

Perdana Menteri Britain, Tony Blair, berkata kejayaan Malaysia dalam menggalakkan Perkongsian Bijak perlu dicontohi negara Komanwel lain.

Sambil memuji Malaysia dan kesungguhan Perdana Menteri, Datuk Dr Seri Dr Mahathir Mohamad, katanya, amalan inovatif itu amat penting bagi negara Komanwel.

"Saya sedih atas sebab peribadi, Dr Mahathir, tidak dapat bersama kita hari ini.

"Saya tahu banyak yang sudah dilakukan Kerajaan Malaysia dan Dr Mahathir untuk menggalakkan Perkongsian Bijak di antara sektor awam dan swasta di negara Komanwel.

"Beliau (Dr Mahathir) memberitahu saya, pengalaman berguna dalam menarik pelaburan berteknologi tinggi (melalui Perkongsian Bijak)," katanya merasmikan forum Perniagaan Komanwel di sini, hari ini.

(END)